

ՆՈՐ ՎԿԱՅՈՒԹՅՈՒՆՆԵՐ ԳԼԱՋՈՐԻ ՀԱՄԱԼՍԱՐԱՆԻ ՄԱՍԻՆ

(Հիմնադրման 700-ամյակի առթիվ)

Ա. Ս. ՄԱԹԵՎՈՍՅԱՆ

Գլաձորի համալսարանի պատմությունը մեզ չի հասել առանձին պատմագրերով կամ մատենագրական որևէ երկի մեջ: Նրա պատմությունը ներկայացնողն առաջին հերթին այնտեղ գրված ձեռագրերն ու նրանց հիշատակարաններն են: Հայերեն ձեռագրերի աշխարհով մեկ սփռված լինելու հանգամանքը, նրանց նկարագրության և հիշատակարանների ժողովածուների բացակայությունը ուսումնասիրողին զրկում են փաստական այդ վիթխարի հարստությունն ամբողջությամբ ձեռքի տակ ունենալու հնարավորությունից: Ուստի, նորահայտ հիշատակարանները, լրացնելով պակասը, սրբագրում են անճշտությունները, հարստացնում և ամբողջացնում են մեր պատկերացումներն անցյալի մասին: Այդպես է պատահել նաև Գլաձորի համալսարանի հիմնադրման ժամանակի, տեղի և նրանց առնչվող այլ հարցերի հետ, որոնց և անդրադառնում ենք նորագույն հիշատակարանների և հենքի նորովի քննությամբ:

Ե՞րբ է հիմնադրվել Գլաձորի համալսարանը: Գ. Հովսեփյանը Գլաձորի համալսարանի հիմնադրման թվականը կապում է «մի շատ թանկարժեք ձեռագիր» հետ, որն իր մեջ պարունակում է նաև Եզնիկ Կողբացու «Եղծ աղանդոցը» և «գրված է այնտեղ 1280 թվին: Ձեռագրի ստացողն է «մեծ հոնտոռ Ներսէս», հիշված է նաև «նուստ ոգի Նսայի՝ հետևող և աշակերտ սուրբ առնին Աստուծոյ Ներսէս վարդապետի»: Հենց այս նկատողությունը գրված է նշեցու ձեռքով»: Ապա հեղինակը բերում է գրչի գլխավոր հիշատակարանը. «Շնորհաւր եւ ողորմութեամբն Աստուծոյ կատարեցի գտառս աստուածաշունչ, ես փցուն և ապիկար գրող Լուսեր, ի վայելումն սուրբ եւ ամենագով վարդապետին Ներսէսի...: Ի թուիս Հայոց Չիթ (1280) գրեցաւ»¹:

Հովսեփյանը տպագրում է նաև հիշատակարանի լուսանկարը Մաշտոցի անվան Մատենադարանի № 1097 ձեռագրից: Ձեռագրի գլխավոր հիշատակարանում, ինչպես և մյուս հիշատակագրություններում, չի նշվում գրչության վայրը, չկան ո՛չ «Գլաձոր», ո՛չ էլ «Աղբերց վանք» տեղանունները²: Բայց նա տեղանունը նշանակում է շատ ողորակի: Նույն Գլաձորում և նույն այգ ժամանակ գրված է համարում մի այլ ձեռագիր ևս, որի մեջ նույնպես տեղանունը չի հիշվում, բայց կա ստացողը՝ Ներսես վարդապետ: Հեղինակը ձեռագիրը համարում է «Գլաձորի փառքն ու պատիվը բարձրացնող մի սուգում» հային նշանակությամբ», որովհետև նրա մեջ գտնվող «Ոսկեբերանի և Կյուրեռ Ալեքսանդրացու մեկնությունների բնագրերը անհայտ են մինչև այժմ»³: Գ. Հովսեփյանը, մեր կարծիքով, այսպես է մտածել. 1279 թ. Ներսեսի համար մի ձեռագիր է գրվել Մշո Առաքելոց վանքում և գրչության տեղը նշված է, իսկ 1280 թ.՝ երկու ձեռագիր, որոնցում գրչության տեղերը նշված չեն: Նշանակում է Ներսեսն այլևս իր հին տեղում, այսինքն՝ Տառնի Առաքելոց վանքում չի գտնվել, այլ տեղափոխվել է ուրիշ տեղ, իսկ այդ ուրիշ տեղը, այլ աղբյուրներից հայտնի է, որ Գլաձորն է⁴:

1 Գ. Հովսեփյան. Խաղբակյանը կամ Պոռչյունը Հայոց պատմության մեջ. Անթիլիաս, 1969, էջ 257:

2 Մաշտոցի անվ. Մատենադարան (ՄՄ), ձեռ. № 1097, էջ 145ա:

3 Գ. Հովսեփյան. Խաղբակյանը, էջ 258:

4 Գ. Հովսեփյան. Միթիար Սասնեցի (Կերմանցի), 1260—1337. Վաղարշապատ, 1899, էջ 28—29:

Այստեղ աշխարհը է արված մի հանգամանք. 1279 թ. ժողովածուի տարբեր մասերը արտագրող նսայի և Ստեփանոս գրիչներն իրենց գրած հիշատակարաններում նույնպես գրություն վայրը չեն նշանակել, բավարարվելով ստացող ներսես վարդապետի անվան հիշատակությամբ: Տեղը հիշում է ինքը Ներսեսը, այդ նույն ձեռագրի մեջ իր գրած հիշատակարանում: Եսալի և Ստեփանոս աշակերտների նման է վարվել նաև Լուսեր գրիչը՝ 1280 թ. գրած ձեռագրում: Իսկ որ նա էլ Առաքելոց վանքում է գրել, երևում է նրանից, որ ձեռագիրը սրբագրել է Եսային, Լուսերի գրածը համեմատելով այն ձեռագրերի հետ, որից արտագրվել է: Այս նշանակում է, որ նշված երկու ձեռագրերը և Եսային ու Լուսերը գտնվել են միևնույն վայրում, որտեղ և Ներսես վարդապետն էր, այսինքն՝ Մշո Առաքելոց վանքում: Հետագա ուսումնասիրողները Գլաձորի համալսարանի հիմնադրման թվականի մասին կրկնել են Գ. Հովսեփյանի տեսակետը:

Գ. Հովսեփյանին անծանոթ էր Երուսաղեմի Սրբոց Հակոբյանց մատենադարանի № 1158 ձեռագրի հիշատակարանը, որը հրատարակվել է նախ 1933⁵, ապա 1972 և 1980 թթ.⁶: Ահա այդ հիշատակարանի մեջ անհրաժեշտ մասերը. «Ծանկ ելեալ կատարեցաւ հոգելից մատենան այս Մեկնութիւն համարձակախաւս մարդոցէին Նսսեա, ի թուականութեանս հնոյ ըստ Հայոց ՉԼ (730+551=1281) և նորոյս շրջանի՝ միոյ հարիւրոյ եւ Ղէ (197+1084=1281)-ից, ի տանս Խրեւելեան, ի վիճակիս գերապանծ եւ բարձրապատիւ սուրբ ուխտին Հաղբատա, ի գաւառս Գուգարացոց, ի սուրբ եւ ի հրաշագարոյ մենաստանս Մշակավանք կոչեցեալ, ի խնդրոյ երիցս երանեալ առն Աստուծոյ, աստուածադարդ րաբունոյն և անյաղի՝ վարժապետին Նեոսիսի, ուր է ի Տարաւն զաւառի: Վասն զի ի ձեռն նամակի, ի վերագրեալ նահանգէն խնդրեաց զսա եւ զայլս բաղումս գծագրել իմոյ եղկելի անձինս, որ կոչիմս Բարսեղ, եւ մեր ի նորին խնդրոյ ղծեցաք զսա փանաքի և անյարմար տառիւ, զոր տէր Աստուած վայելել տացէ նմա զսա ի յաւուռս անթիւս և յամս հաղարաւորոս, ի շահ եւ ի յաւգուտ իւրոյ անձինն եւ նորին աշակերտելոցն, ի փառս Քրիստոսի Աստուծոյ մեռոս...»

Արդ աղաչեմ... յիշեսցիք ի Տէր նախ գերանեալն այն և ցանկալին հրեշտակաց՝ զպետն րաբունեաց զՆերսէս ստացող գրոցս, ընդ նմին և զարքեպիսկոպոսն դուէր Յովհաննէս՝ զաթոռակալն գերահռչակ սուրբ ուխտին Հաղբատա, որ զարինակս շնորհեաց... Ընդ նմին եւ զՅովհաննէս րաբունի՝ աշակերտ նորուն Ներսիսի, որ առ մեղս է, եւ զնաց ի մէնջ եւ եբեր զարինակս առ մեզ աւուր միոյ ճանապարհ, բարձեալ ի վերա թիկանց ողինն իւրոյ...

Ի մարգաթ ԺԳ (13) սկիզբն եղեւ, ի նաւասարդի ԻԱ (21) կատարեցաւ»⁷:

Ուրեմն, 1281 թ. Ներսես րաբունապետը Տարոնից, ուր գտնվում էր իր դպրոցը, Հովհաննես վարդապետին հանձնարարական նամակով ուղարկել է Մշակավանք, գրիչ Բարսեղի մոտ և խնդրել մի քանի ձեռագրերի ընթերցանություն: Հովհաննեսն այդ ձեռագրերից մեկը՝ Դավիթ Քոբայրեցու Նսայի Մարգարեի մեկնությունը Հաղբատից բերում է Մշակավանք, իսկ Բարսեղը արտա-

5 Ա. Մովսիսյան. Ուրվագծեր հայ դպրոցի և մանկավարժության պատմության. Երեւան, 1958, էջ 161—163: Ա. Ավետիսյան. Հայկական մանրանկարչության Գլաձորի դպրոցը. Երևան, 1971, էջ 11: Լ. Նաչբեյան. Գլաձորի համալսարանը. Երևան, 1973, էջ 33: Ա. Աբրահամյան. Գլաձորի համալսարանը. «Սովետական Հայաստան», 30 սեպտեմբերի 1969: Այստեղ ընդունում է 1270 թ., իսկ «Գլաձոր, «Երկրորդ Աթենք պանծալի» («Գարուն», 1978, էջ 79—82) հոդվածում և հաջորդ կրկնում՝ 1280 թ.:

6 «Սիրոն». Երուսաղեմ, 1933, էջ 416:

7 Ն. Պողարյան. Մայր ցուցակ ձեռագրաց սրբոց Յակոբեանց. հ. 2, Երուսաղեմ, 1977, էջ 91—93: Ա. Մաթևոսյան. Հիրավի, երբ և որտեղ է հիմնադրվել Գլաձորի համալսարանը. «Գարուն», 1980, № 7, էջ 55—59:

8 «Սիրոն». Երուսաղեմ, 1933, էջ 416:

դրում է այն մոտ երկուս ու կես ամսում՝ սկսում է 1281 թ. նոյեմբերի 19-ին և ավարտում 1282 թ. հունվարի 30-ին⁹:

Ներսես Մշեցու համար ուրիշ ի՞նչ ձեռագրեր է ընդօրինակել Բարսեղը, Հովհաննեսը սպասե՞լ է նրանց ավարտին, թե վերադարձել է Տարոն, հայտնի չէ: Սակայն ավարտած ձեռագրի այս հիշատակարանը մեզ ստույգ տեղեկություն է տալիս Ներսես վարդապետի Առաքելոց վանքում գտնվելու ժամանակի մասին՝ Ներսես Մշեցի բաբունապետի գլխավորած Հայոց վարդապետաբանը 1281 թ. աշնանը դեռևս գտնվում էր Տարոնի Քարգմանչաց կամ Առաքելոց վանքում: Իսկ այս նշանակում է, որ Ներսես Մշեցին այնտեղ էր նախ ամբողջ 1280 թ. և 1281 թ. մեծ մասը, հետևաբար այդ ժամանակ (1281 թ. վերջերին) Գլաձորի մասին խոսել լինել չի կարող: Ուրեմն՝ Լուսեբ գրիչը ձեռագիրը Գլաձորում չի գրել և նրա հիշատակարանը չի կարող հիմք ծառայել Գլաձորի հիմնադրման ժամանակը որոշելու համար:

Մխիթար Սասնեցու Վարքից իմանում ենք, որ «Մեծ վարդապետն Հայոց ներսէս ի հալածմանէ անաւրէն և ժանտաբարոյ աղղէն մարաց եկեալ ի սուրբ ուխտէն Ղազարու աշակերտան իւրով նսայեալ... ի գաւառն Քաջբերունեաց ամ մի բովանդակ աստ և անդ շրջագայեալ և վարդապետական քարոզութեամբ դամենեսեան լուսաւորեաց վկարգաւորս և դաշխարհականս: Եւ տեսեալ ղերկիրս Քաջբերունեաց տգիտութեամբ վարանեալ առանց վարդապետական ուսման եւ յոյժ քաջալերեաց ղկրանաւորսն հետեւել աստուածաշունչ զրոց գիտութեան, եւ ինքն գնաց յերկիրն Սինեաց, ի սուրբ ուխտն Գլաձորու»¹⁰: Ուրեմն, Առաքելոց վանքից Ներսես Մշեցու հարկադրաբար դուրս գալու և Գլաձորում հաստատվելու միջև ընկնում է շուրջ մի տարի ժամանակ, ընդ որում, այդ ժամանակի կեսը 1281 թ. վերջին ամիսները պետք է լինեն, իսկ մնացածը հաջորդ՝ 1282 թ. սկզբի ամիսները: Հետևաբար, Ներսեսը 1282 թ. է գնացել Վայոց ձորի Գլաձորի վանք:

Ահա այդ թվականը հաստատող մի այլ փաստ. Մխիթար Սասնեցին, որ սովորում էր Քաջբերունիքի Մեծոփա վանքի դպրոցում, Ներսես վարդապետի մեկնելուց հետո իր դասընկերները Ստեփանոսի և Հովհաննեսի հետ գնում է «առ մեծ վարդապետն Ներսէս և աշակերտեալ առ նմա զամս երիս: Եւ յետ երկից ամաց փոխեցաւ մեծն Ներսէս յԱստուած»¹¹: Այսպիսով, Մխիթար Սասնեցին Ներսես ընդունապետի մոտ սովորում է երեք տարի՝ մինչև ընդունապետի մահը: Ներսես ընդունապետը մահացել է 1284 թ.: Հետևաբար Մխիթար Սասնեցու՝ նրա մոտ սովորած երեք տարիներն են Ներսեսի մահվան տարին՝ 1284-ը, նրանից առաջ՝ 1283 և սրա նախորդ 1282 թվականները: Նշանակում է Մխիթարը Գլաձոր է գնացել 1282 թ. կեսերին: Կրկին ստացվում է, որ Ներսես Մշեցին 1281 թ. վերջերին թողել է հայրենի Առաքելոց վանքը, իսկ հաջորդ (1282) տարվա կեսերին անցել Վայոց ձոր:

Ահա և երբորդ փաստը. Ստեփանոս գրիչը Ներսես ընդունապետի համար 1282 թ. ավարտում է մի ձեռագիր, որտեղ դարձյալ տեղը չի նշում, սովորություն համաձայն բավարարվում է Ներսես ընդունապետի անվան հիշատակություններով: Ձեռագիրը գրված է «ի ծնունդ և ի սնունդ» սովորողների: Սրբագրված է Եսայի Նչեցու ձեռքով: Գրչության վայրում հիշվում է Մովսես կրոնավորը. «որ ամենայն մարմնավոր հանգստեմբ սպասաւորեաց մեզ»¹²: Այս նշանակում է, որ Ստեփանոս գրիչը, պատվիրող Ներսես վարդապետը և սրբագրող Եսայի 1282 թ. այլևս իբեցնց սեփական հարկի տակ, այսինքն՝ Առաքելոց վանք-

9 Բ. Թ ու մ ա ն յ ա ն. Հայ աստղագիտության պատմություն. հ. Ա, Երևան, 1968, էջ 273-291 տարին համընկնում է 1281 թ. հունվարի 10-ից 1282 թ. հունվարի 9-ին:

10 ՄՄ, ձեռ. № 4517, էջ 371ր-372ա: Հմմտ. Գ. Հ ո վ ս ե փ յ ա ն. Մխիթար Սասնեցի, էջ 28-29:

11 Մխիթարի մի այլ վարքագիրը գրում է, որ Մխիթարը գնաց «...ի գաւառն կոչեցեալ Վայոց ձոր, ի վանսն, որ այժմ կոյի Գլաձոր, առ գերակատար և սուրբ վարդապետն Ներսէս և կացեալ անդ ընդ նմա ամս երեք» (Գ. Հ ո վ ս ե փ յ ա ն. Մխիթար Սասնեցի, էջ 28-29):

12 ՄՄ, ձեռ. № 49, էջ 338ա:

քում չէին, այլ մի ուրիշ վանքում, ուր միաբան Մովսեսը հոգում է նրանց մարմնավոր հոգսերը, նրանց սպասավորում իր վանքում: Այս Մովսեսն է, անշուշտ, ուրիշ հիշում է Հովասափ գրիչը տասը տարի հետո, Գլաձորի համալսարանի ընդունալու նստյի նշեցու համար Գլաձորում գրած մի ձեռագրում, որպես «մեր մեծ առաքինի Մովսէսի»¹³: Այս ևս ցույց է տալիս, որ 1282 թ. ներսես ընդունալու զարոցը գործում էր նոր տեղում, Գլաձորում:

1283 թ. արդեն այնտեղ էր Մատթեոս Կիլիկեցին կամ Միհնեցին, և ձեռագիր էր ընդօրինակում իր ընկերների հետ, որն ավարտում է 1284 թ. և թողնում իր նշանավոր հիշատակարանը, ուր առաջին անգամ հիշում է վալոց ձորի Աղբերց վանքը՝ որպես Ներսես ընդունալու զարոցի ապաստարան:

Ամփոփենք.

1282 թ. կեսերին Ներսես Մշեցի ընդունալու իր զարոցը հաստատում է վալոց ձոր գավառի Աղբերց վանքում, որը հետագայում մականվանվում է Գլաձորի վանք, Գլաձորի համալսարան: Ուրեմն, Գլաձորի համալսարանի հիմնադրման ժամանակը 1282 թ. է, իսկ Աղբերց վանքից կամ Գլաձորից մեկ հայտնի առաջին ձեռագիրը Մաշտոցի անվան Մատենադարանի № 49 մատյանն է՝ Դիոնիսիոս Արիսպագացու «Մատենագրությունը», գրված գրիչ Ստեփանոսի ձեռքով, «Հրամանալ գիտնական և արդիական հոնտորի Ներսիսի, ի ծնունդ և ի սնունդ մաքրափայլ որդոց մոր մերո Սիոնի... ի թիս ԶԼԱ (1282) Հայկազեն տումարիս»¹⁴:

Ա. Աբրահամյանը Երուսաղեմի վերահիշյալ ձեռագրի հիշատակարանին անդրադառնում է «Գլաձորի համալսարանը» մենագրության մեջ: Նա դրում է. «Առաջին հայացքից թվում է, թե դա հիմք է տալիս Գլաձորի հիմնադրման տարեթիվը 1280-ից տեղափոխելու 1281 թվականը», և բերելով թվականին վերաբերող հատվածը, շարունակում է. «...Առաջինը տալիս է հայկական մեծ թվականը (այսինքն $21=730+551=1281$, ինչպես «Ցուցակում» նշում է Ն. Պողարյանը—Ա. Մ.), իսկ երկրորդը հայկական փոքր կամ Սարկավագիր կոչվող թվականը ($21=197+1084=1281$ —Ա. Մ.): Ամսաթվերը շարժական տոմարով են, հետևապես մարգաց 13-ը կհամապատասխանի նույնմբերի 19-ին, իսկ նավասարդի 21-ը հաջորդ տարվա հունվարի 30-ին:

Ձեռագրի գրության թվականի համար կարևոր տոմարական տվյալը հալոց փոքր թվականի հիշատակությունն է. «Նորոյս շրջանի՝ միոյ հարիւրոյ եւ Ղէ-ից (197)»: Հայտնի է, որ փոքր թվականը վերծանելիս, եթե դեպքը տեղի է ունեցել օգոստոսի 11-ից հետո, գումարում ենք 1083, եթե նրանից առաջ է, ապա 1084»¹⁵:

Քանի որ ձեռագիրը ավարտվել է հունվարի 30-ին, իսկ դա օգոստոսի 11-ից առաջ է, ուրեմն պետք է գումարենք ոչ թե 1083, այլ՝ 1084, այսինքն՝ $197+1084=1281$, որը համապատասխանում է նաև Հալոց մեծ թվականին՝ $21+551=1281$: Սակայն հակառակ իր ամբողջ տեսությանը և բեղած օրինակներին, Ա. Աբրահամյանը նկատի է առնում ոչ թե ձեռագրի ավարտման օրը, այլ գրել սկսելու օրը՝ նույնմբերի 18-ը, որն ընկնում է օգոստոսի 11-ից հետո, և 197-ին գումարելով 1083, ստանում է 1280¹⁶: Եթե նույնիսկ 1280 թ. նույնմբերի սկիզբն էլ համարենք Առաքելոց վանքից Ներսես Մշեցու հեռանալու ժամանակը, միևնույն է, 1280 թ. Գլաձորի հիմնադրման ժամանակը չի կարող լինել, քանի որ 1280 թ. նույնմբերից մինչև 1281 թ. կեսերը նա Քաջբերունիքում էր գտնվում: Բայց իրականում «դեպքը տեղի է ունեցել օգոստոսի 11-ից ա-

13 ՄՄ, ձեռ. № 1363, էջ 218ա:

14 ՄՄ, ձեռ. № 49, էջ 333ա:

15 Ա. Աբրահամյան. Գլաձորի համալսարանը. Երևան, 1983, էջ 37—39: Հմմտ. Ն ու յ ն ի՝ Հովանենես Իմաստասերի մատենագրությունը. Երևան, 1956, էջ 82—85: Ն ու յ ն ի՝ Հայ գիր և գրչություն. Երևան, 1973, էջ 115, նաև՝ Հայ գրի և գրչության պատմություն. Երևան, 1959, էջ 259:

16 Ա. Աբրահամյան. Գլաձորի համալսարանը, էջ 37:

ռաջ», այն է՝ հունվարի 30-ին, երբ ստեղծվել է ձեռագիրը, գրվել հիշատակարանը, որն ազդարարել է ձեռագրի ծնունդը, և ժամանակը նշվել է Հայոց մեծ Զլ (730+551)=1281 և Հայոց փոքր Ճլ (197+1084)=1281 (վերջինիս գումարելով 1084) թվականներով:

Այս հաշվարկը հաստատվում է նաև Բ. Թումանյանի¹⁷ և Հ. Բաղալյանի¹⁸ տոմարական աղյուսակ-ուղեցույցներով, ուր հայկական մեծ թվականի Զլ (730)-ն համընկնում է 1281—1282 թթ., ավելի որոշակի՝ շարժական տոմարով մարգաց ժԳ-ն համընկնում է 1281 թ. նոյեմբերի 19-ին, նախասարդի ԻԱ-ն՝ 1282 թ. հունվարի 30-ին:

Այս փաստերից ելնելով պետք էր եզրակացնել, որ ձեռագիրը գրվելուց մեկ տարի հետո Մշեցիին այլևս Տարոնում չէր, այլ՝ Աղբերց վանքում:

Այնուհետև Ա. Աբրահամյանը գրում է. «Ամից Հասանի կին Թաճերի սլատվերով Հովհաննես գրիչը 1282 թ. ընդօրինակել է Գրիգոր Նարեկացու «Մատեն ողբերգութեան» գիրքը: Գրչության վայրն է հիշում ոչ թե Գլաձորը կամ Աղբերց վանքը, այլ Թանատը»¹⁹: Զարմանալու ոչինչ չկա, երբ գրիչը հիշտ է դրել գրչության վայրը: Ա. Աբրահամյանը տեղեկությունը վերցրել է Գ. Հովսեփյանից, տեսել է նաև ձեռագիրը: Դա Մաշտոցի անվան Մատենադարանի № 5135 ձեռագիրն է, որի մասամբ պատմված թվականը խոշոր երկաթագրով գրված է հիշատակարանի վերջում:

Գ. Հովսեփյանը, քննելով ձեռագիրը, թվականի մասին արել է հետևյալ դիտողությունը. «Հիշատակարանի վերջում մեծ տառերով գրված է. «Թվկ. Զլ»,—տարաբաղդարար միավորի միայն կեսը մնացած, ինչպես և ի-ի պոչը կտրված. միավորը՝ մնացորդից դատելով, կարող է Ա, Ե կամ է լինել, սակայն առաջինը (այսինքն՝ Ա—Ա. Մ.) կարելի չէ, որովհետև 1282 թվին կենդանի էր Ղևոնտ Պոռ Մեծ իշխանը (որի անունը հարսը՝ Թաճերը, չէր կտրող չհիշել:—Ա. Մ.), հնարավոր չէ երրորդը (այսինքն՝ է), որովհետև մեռած էր արդեն Հակոբ կաթողիկոսը (գրության ժամանակի կաթողիկոսը—Ա. Մ.), ալսպիսոփ հիշատակարանի գրության ժամանակը կարող ենք ճշտիվ նշանակել ԶլԵ (1286) թիվը»²⁰:

Շրջանցելով թվականի՝ Գ. Հովսեփյանի վերծանությունը և այդ մասին նրա կարծիքը, Ա. Աբրահամյանը ներկայացնում է իր վերծանությունը. «Գրչության թվականը մեծ տառերով երևում է՝ «թվկ ԶԱ» (Հովսեփյանի մոտ՝ «ԶԼ»—Ա. Մ.): Հովսեփյանը Ա տառի առաջին սլունագիծը համարելով և տառի մնացորդը, իսկ երկրորդ սլունագիծը՝ Ե, վերականգնում է «ԶԼԵ=1286»: Սեզ թվում է հիշատակարանի թվականը պետք է վերծանել ԶԱ, որը պարզ երևում է և պետք է ընդունել, ու գոչի անուշադրության հետևանքով և տառնափոխ տառը դուրս է ընկել»²¹: Որ «ԶԱ» (1252) սխալ է, նա պատճառաբանում է լեոն III Թագավորի (1270—1289) և Հակոբ Ա կաթողիկոսի (1267—1286) անունների հիշատակում: Այնուհետև գրում է. «Եթե ճիշտ է թվականի մեծ վերծանությունը, այդ դեպքում Գլաձորում ձեռագիրը գրվել է նրա հիմնադրման երկրորդ տարում»: Ինչպես տեսնում ենք, Թանատի փոխարեն նա գրում է «Գլաձոր» անունը, որ չկա ձեռագրում և եզրահանգում. «Հետևաբար էր է, որ սա (այսինքն Թանատում գրված ձեռագիրը—Ա. Մ.) Գլաձորի համալսարանի գրչության ընթացքում գրված միակ ձեռագիրն է, ուր Գլաձորը հիշվում է Թանատ անունով»²²:

Հիշատակարանի թվականի պահպանված մասից երևում է, որ տառափոխության մեջ երկար գիծը կարող է միայն Լ լինել, ինչպես կարդացել է

¹⁷ Բ. Թումանյան. Հայ աստղաբաշխության պատմություն. հ. Ա, Երևան, 1965, էջ 278:

¹⁸ Հ. Բաղալյան. Օրացույցի պատմություն. Երևան, 1970, էջ 374:

¹⁹ Ա. Աբրահամյան. Գլաձորի համալսարանը, էջ 39:

²⁰ Գ. Հովսեփյան. Խաղաղության, էջ 77:

²¹ Ա. Աբրահամյան. Գլաձորի համալսարանը, էջ 39:

²² Նույն տեղում, էջ 41:

Գ. Հովսեփյանը, իսկ նրանից հարցուր քսան տարի առաջ՝ Ղ. Փիրղալեմյանը Կտուց անապատում, որտեղ այն ժամանակ պահվում էր ձեռագիրը, և որի ոչ թերթն էր պատված և ոչ թվականը խաթարված: Ղ. Փիրղալեմյանը արտագրում է հիշատակարանը և թվականը, որ է «246=1286»²³: Այլևս թվականի նոր վերծանության կարիք չկա, ուրեմն ձեռագիրը «Գլաձորի հիմնադրման երկրորդ տարում» չի գրվել և ոչ էլ «միակ ձեռագիրն է, ուր Գլաձորը հիշվում է Խանաստ անունով»:

Այս ամենից հետո պարզ է դառնում, որ Ներսես Մշեցին իր վարդապետարանով Վայոց ձորում հաստատվել է 1282 թ. կեսին, և դրանից առաջ Գլաձորի համալսարանի մասին եղած խոսակցութիւնները հիմք չունեն:

Իսկ մինչև երբ է գոյատևել Գլաձորի համալսարանը: Գ. Հովսեփյանը տարօրինակ սկիզբ և վախճան ունեցող վանք է համարում Գլաձորը, որը հանկարծ եղևան է գալիս XIII դարի 80-ական թթ. սկզբին, որպես Արևելյան Հայաստանի մտավոր կենտրոն և շքանում է անհայտության մեջ հաջորդ դարի կեսերին²⁴: Վանքը շքանում է անհայտության մեջ, բայց համալսարանը շարունակում է իր եղթը դարերի միջով: «Մեծ փրկիստփայն Հայոց Յովհաննէս Որոտնեցին», երբ իմ աշակերտ Գրիգորին Սեպուհ լեռան վրա «առ գերեզմանն սուրբ Լուսավորչին առար վարդապետ», բերեց «յաշխարհն Սիւնեաց, և զկնի մահուանն իւր էտ հոգման նստել յաթոռ մեծ համալսարանին Նսայեայ և րարունապետ Հայոց Մեծաց»: Ուրեմն, Որոտնապանքում տեղավորված համալսարանի րարունապետ Հովհաննէս Որոտնեցին իրեն համարում է Նսայու մեծ համալսարանի րարունապետ, և իրեն փոխարինողը դարձյալ Նսայու համալսարանն է ղեկավարելու և կատարելու է Հայոց Մեծաց, այսինքն Մեծ Հայաստանի րարունապետի պարտականութիւնը:

1338 թ., Գլաձորի համալսարանի րարունապետ Նսայի Նչեցու մահից հետո, երկրորդ րարունապետը՝ Տիրատուր Կիլիկեցին, համալսարանը տեղափոխում է Հերմոնի վանք, Օրբելյանների տիրույթում, որտեղ «ի վարժապետութեան ընդհանուր հայկազեանս սնոի, և երիցս երանեալ հոնտորի Տիրատուր առ ձայնելոյ... ի վարժս կոթութեան» են պարապում սաները «որպէս մանուկ առ մայր, և որպէս զաւակ առ ծնող...»²⁵:

1337 թ. Ռուրթելի թոռ և Իվանեի որդի Հովհաննէս Որոտնեցին քահանայական աստիճան է ստանում Նսայի Նչեցուց, իսկ 1347 թ. Հերմոնում՝ վարդապետական աստիճան Տիրատուր Կիլիկեցուց: 1356 թ., վերջինիս մահից հետո, համալսարանը տեղափոխում է հայրենի Որոտնա գավառ և ղեկավարում է 28 տարի՝ մինչև 1384 թ.: Երկու տարի թուրքերից հալածական թափուրում է Սյունիքում: 1386 թ. հանգրվանում է Նախիջևանի Ապրակունյաց վանքում, ուր և մահանում է:

Նսայու համալսարանի նոր րարունապետ Գրիգորը 1391 թ. համալսարանը տեղափոխում է Տաթևի վանք (որտեղից էլ Տաթևացի մականունը) և լենկաթեպուրյան սադուսփինների ժամանակաշրջանում վարում է րարունապետութիւնը մինչև իր մահը (1410 թ.): Նրան փոխարինում են Մխիթար րարունապետը մինչև 1425 թ. և Նյեկիել վարդապետը՝ մինչև 1435 թ., երբ «...վասն աւերման արեւտակարնակ աթոռոյն մեռ Նւստաթէի սուրբ առաքելոցն, զի բնաջինջ աւելեւ ածին և առհասարակ զտներն այրեցին և զստացուացքն զամենայն կողովութեցին, և միաբանք մերովք փախստական և ցանուցիր եղաք աշխարհս Վրաց աւստուածապարզէ իշխանաւս մեր և ամենայն արհնութեանց արժանաւոր Բէշքենաւ, և ազատաւք, և ժողովրդաւք»²⁶:

«Նսայու մեծ համալսարանը», հիմնադրվելով 1282 թ. Գլաձորում, տ-

23 Ղ. Փիրղալեմյան. Նշարք պատմութեան Հայոց. ձեռ. № 6273, էջ 50ա—50բ:

24 Գ. Հովսեփյան. Խաղրակյանք, էջ 151:

25 Ժն դարի հայերեն ձեռագրերի հիշատակարաններ, կազմեց Լ. Ս. Խաչիկյան. մասն Ա, Երևան, 1955, էջ 103—104, ծան.:

26 Նույն տեղում, էջ 469, 470:

վարտեց իր գոյությունը 1435 թ. Տաթևում, օտար նվաճողների ավերածությունների հետևանքով: Ավելի քան հարյուր հիսուն տարի Սյունյաց լեռներից հայոց համալսարանը, հարյուրավոր սաների և նրանց բաց արած դպրոցների միջոցով, որոնք սփռված էին Գուգարքից Կիլիկիա, Բարձր Հայքից Հարավսյուն Հայաստան, լուսավորում էր Հայոց աշխարհը:

Գլաձորի համալսարանի տեղի մասին գոյություն ունի երկու տեսակետ: Առաջին. ներսես Մշեցու բարձրագույն դպրոցը Առաքելոց վանքից հետո տպաստանել է Վայոց ձոր գավառի Աղբերց վանքում, որը մականվանվել է Գլաձոր: Այս տեսակետը հայտնել են Գ. Հովսեփյանը և Ս. Բարխուդարյանը²⁷: Երկրորդ տեսակետն առաջ է քաշել Ե. Լալայանը, ըստ որի Գլաձորը Թանահատն է: Նրան հետևում են Ա. Ավետիսյանը, Ի. Ղարիբյանը, Ա. Աբրահամյանը²⁸:

Նախ դիմենք սկզբնաղբյուրներին (որոնք տեղում գրված ձեռագրերն են և նրանց հիշատակարանները): Առաջին վկայությունը, ուր հիշվում են այն դպրոցը և վանքը, ուր տեղափոխվել է ներսես վարդապետը, 1283 թ. սկսված և 1284 թ. ավարտված ձեռագիր հիշատակարանն է, որ գրել է Կիլիկիայի Մլիճի վանքից այստեղ սովորելու եկած Մաթևոս քահանան:

...Որոյ եկեալ յայս գաւառի,
Որում անուն Վաչձոր կոչի,
Հուպ ի շիրիմըն Սիւնեցի,
Ի յԱղբերց վանս մենաստանի—
Յերկրորդ Աթէնս պանծալի,
Առ ոտըս հար մեր ներսէսի
Եւ րաբունեաց վարժապետի...²⁹:

Մաթևոս Կիլիկեցին նշում է Վայոց ձորում երկու տեղանուն՝ Աղբերց վանք մենաստանը, որտեղ տեղավորված է րաբունյաց վարժապետ Ներսեսը, և Սյունեցու շիրիմը, որի մոտակայքում գտնվում է Աղբերց վանքը՝ իր նոր բնակիչներով:

Նախ ծանոթանանք Աղբերց վանքին: Այս հուշարձանին առաջին անգամ հանդիպում ենք այս և հետագայի՝ նույն տեղում գրված ձեռագրերի հիշատակարաններում: Աղբերց վանքից հաջորդ ձեռագիրը 1291 թ. է: Ներսես վարդապետի աշակերտներից Հովհաննեսը մի ձեռագիր է գրում «ի մենաստանն, որ կոչի Աղբերց վանս և մականուն Գլաձոր, ընդ հովանեաւ սրբոյն Ստեփանոսի, ի վարժապետութեան գիտնական և արդիւնական մեծ հոգեւորի Յեսաո»³⁰:

Ուրեմն, Աղբերց վանքը մականվանվել է Գլաձոր, ասել է թե Գլաձոր և Աղբերց անունները պատկանում են մի վանքի: Այստեղից իմանում ենք նաև, որ Աղբերց-Գլաձոր վանքը կառուցված է հանուն սուրբ Ստեփանոսի: Բայց ո՞ր սուրբ Ստեփանոսի: Հիշատակարանները պատասխանում են նաև դրան. «Գրեցաւ սա ի գաւառիս կոչեցեալ Վայոց ձոր, ի վանս Գլաձոր, ընդ հովանեաւ սուրբ Նախավկայիս, ի վարժապետութեան Եսայա...»³¹ և այլն: Ուրեմն Աղբերց վանք-

27 Գ. Հովսեփյան. Խաղբակյանք, էջ 235, 251: Ս. Բարխուդարյան. Դիվան հայ վիճագրության. Վայոց ձոր. Երևան, 1967, էջ 72:

28 Ե. Լալայան. Շարուր-Գարսիւղյազի գավառ.—«Ազգագրական հանգես», Գ, 12, Թիֆլիս, 1905, էջ 271: Ա. Ավետիսյան. Հայկական մանրանկարչության Գլաձորի դպրոցը, էջ 14: Ի. Ղարիբյան. Գլաձորի համալսարանի հնագիտական պեղումները.—«Բանբեր Երևանի պետական համալսարանի», 1971, № 2, էջ 169: Ա. Աբրահամյան. Գլաձոր, երկրորդ Աթենք պանծալի, էջ 79—82: Նույնի՝ Գլաձորի համալսարանի հիմնադրության թվականի և տեղի մասին.—«Պատմա-բանասիրական հանդես», 1982, № 2, էջ 164:

29 Հ. Տաշյան. Յուցակ հայերէն ձեռագրաց մատենադարանին Մխիթարեանց ի վիճնա. Վիճնա, 1895, էջ 1039:

30 Ղ. Ալիշան. Սիսական, էջ 131:

31 ՄՄ, ձեռ. № 6273, թ. 61:

Գլածորը կառուցված է Ստեփանոս Նախավկայի, այսինքն հանուն Քրիստոսի առաջին նահատակ Ստեփանոսի անունով: Գլածորի սան Հունանը այս անունը լրիվ է հիշում. «...ի Ձորս վայոց, ի յանասլատիս մեծափառ Գալլիծոր կոչեցեալ, ընդ հովանեաւ սրբոյն Ստեփանոսի նախավկայի»³², Ստեփանոս Նախավկայի անունը Գլածոր անվան կից հիշվում է «Ս. Ստեփանոս», «Ս. Նախավկա», «Ս. Ստեփանոս Նախավկա» ձևերով: Գլածորից մեզ հայտնի բոլոր ձեռագրերը գրված են «...ի վանս Գլածոր, ընդ հովանեաւ Ս. Ստեփանոսի», որը նշանակում է, թե նրանք արտագրված են Գլածոր-Աղբերց-Ս. Ստեփանոս Նախավկայի վանքում:

1284 թ. ներսես Մշեցին վախճանվում և թաղվում է Աղբերց վանքում, ուր հիշվում է «գամբարան սուրբ վարդապետին ներսիսի»: 1338 թ. սկզբին Գլածորում է թաղվում նաև Եսայի Նշեցի ըստնապետը:

Գլածորի մասին մատենագրական հնագույն աղբյուրը Վարդան Արևելցու «Աշխարհացոյցն» է, ուր կարդում ենք. «Վայոց ձոր Եղեգեց ձորն է, ուր կայ կենսաբեր Սուրբ Նշանն, եւ Գալլիծոր, որ աթոռն է և վարժարան սուրբ վարդապետացն մերոց... եւ անդ է մամնամաքոր նշխարն Սիւնեաց տէր Ստեփանոսին, եղեալ ի վանս Թանահատին»³³:

Այստեղ հիշվում են նույն հուշարձանները. 1. «Գալլիծոր, որ աթոռն է և վարժարան սուրբ վարդապետացն մերոց», 2. «նշխարն Սիւնեաց տէր Ստեփանոսի» և 3. որը գրված է «ի վանս Թանահատի»: Վերջինս ավելի որոշակի է դարձնում Սյունեցու շիրիմի տեղը՝ Թանատի վանքը: Եվ վերջապես, հիշվում է «կենսաբեր Ս. Նշանը»: Այժմ ժանոթանալով այս վանքերին և սկսենք Թանատից:

Վայոց ձորի Թանատի կամ Թանատեի վանքի մասին հնագույն տեղեկությունները կապվում են 735 թ. սպանված Սյունյաց Ստեփանոս եպիսկոպոսի անվան հետ: Սուրբ Ստեփանոս Սյունեցու սպանությունից հետո «բարձեալ գտուրք մարմին նորա տալան յերկազան սենեակն, և անտի ի Թանատի վանքն և անդ թաղեցին փառաւորապէս»³⁴: Մխիթար Ալուիվանեցին, որ նախորդ աղբյուրների հիման վրա հորինել էր Սյունեցու վկայաբանությունը, գտնում է, որ Թանատում «արարեալ տապան քայեղէն, յոր եղեալ գտուրքն ի հանգիստ փոխեցին... իսկ բնակիչք տեղւոյն շինեցին խորան ի վերայ հանգստարանի սրբուն»³⁵: Վերջերս կատարված պեղումների ժամանակ բացվել է Թա-

32 ԺԴ դարի շախնն ձեռագրերի հիշատակարաններ, կազմեց Լ. Ս. Խաչիկյան. Երևան, 1950, էջ 261:

33 Վարդան Վարդապետ. Աշխարհացոյց, քննական հրատարակություն Զ. Պերպերյանի. Փարիզ, 1909, էջ 15: Կատենք, որ 1271 թ. առաջ գրված սույն երկի մեջ «կենսաբեր Սուրբ Նշանն եւ Գալլիծոր, որ աթոռն է և վարժարան սուրբ վարդապետաց մերոց» հատվածը ընդմիջարկվում է, կատարված XIV դարի սկզբին: Մյուս մասը առնված է Ստեփանոս Սյունեցու վկայաբանությունից: 1282 թ. առաջ Գլածորը չէր հիշվի, 1293 թ. առաջ՝ Ս. Նշանը: Իսկ որ այն ընդմիջարկվել է մինչև 1338 թ., այսինքն՝ Գլածորի համալսարանի գոյության պայմաններում, երևում է «ուր կայ... եւ Գալլիծոր, որ աթոռն է և վարժարան վարդապետաց մերոց» ներկա ժամանակով գրված նախադասությունից: Համալսարանը Հերմոնի վանք տեղափոխվելուց հետո (1338 թ.) այդպես չէիս գրի: Ուրեմն ընդմիջարկողը ժամանակակից է եղել Գլածորի համալսարանին:

34 ՄՄ, ձեռ. № 6283, Թ. 242—243: Նույն է Կիրակոսի մոտ, միայն «եւ աշակերտք նորա բարձեալ գմարմին տառա՛ յերկազեան սենեակն և անտի ի Թանատի վանքն և թաղեցին ի գունն եկեղեցւոյն»: (ՄՄ, ձեռ. № 7433, էջ 402ա, ր): Այդպես է նաև Գրիգոր Խլաթեցու խմբագրած Տալամուրքի մեջ (տե՛ս Կ. Պոլիս, 1734, Բ, էջ 38):

35 Ստորագրված պատմության բազմերանիկ սուրբ և փառաւորեալ հայրապետին Ստեփանոսի Սիւնեաց եպիսկոպոսի, յաղինեալ ի տէր Մխիթար վարդապետէ, յեպիսկոպոսէ սուրբ ուխտին Այրիվանեաց.—Գ. Հովսեփյան. Մխիթար Ալուիվանեցի, 1931, էջ 11—13:

նատի վանքը. այն բաղնիկ մի կառույց է V—VII դդ. հիմնարկված, «ի դուռնորի» (հյուսիսային կողմում) 735 թ. հուլիսի 23-ին թաղում են Սյունեցուն³⁶:

1215 թ. այն նորոգվում է խաղբակի որդի Վստակի կողմից: Այդ ժամանակ վանքի առաջնորդն էր հայր Սարկավազը: Թանատի վանքը երկրորդ անգամ նորոգվում է 1270-ական թթ., խալաշահի կողմից, ուրեմն՝ ս. Ստեփանոսի շիրիմը նորոգելու ժամանակ³⁷:

Թանատին վերաբերող ձեռագրական երկու վկայություն ունենք: 1284 թ. Գնդեվանքում ավարտված մի ձեռագրի հիշատակարանում, որը գրել է ստապուղ Վարդան վաղապետը, նշվում է, թե այն գրվել է «ձեռամբ սրբասնեայ և պատուական Յովանէսի, ի սուրբ ուխտէն, որ կոչի Թանատի վանք, որ մեծաւ աշխատութեամբ գոնաց զսալ եւ նկառեաց ըստ իւրում կարողութեան»³⁸: Երկրորդը նույն Հովհաննեսի ձեռքով Թանատի վանքում 1286 թ. ավարտված նարեկն է, գրված «բարեպաշտ և աղքատ հի պարծանաց» պարոն Թաճեղի պատվերով, ողպես «լապտեղ անշիջանելի, զի արկցէ զսալ աստուածաւին երկնատուր յառազաստն Հալոնեակաց, և երկար կենդանութիւն և բարեխաւս առ տէր իւրս և պատուական զլիտն իւրոյ աստուածադար իշխանաց իշխանին Հասանայ ուղղուն Պոռայ...» Հովհաննեսը գրում է, «ոռ յաշխատութեամբ կատարեցի զհոգման մարմնատուր տեարց»³⁹: Ինչպես տեսնում ենք, Թանատի վանքն ուներ իր արվեստավոր գրիչն ու նկարիչը, որը ոչ միայն գեղեցիկ արտագրում էր, այլև շառաղրում էր Հիշատակարանը և նկարագրողում: Եվ այս պահում էր այն ժամանակ, երբ Աղբերց վանքում առդեն հավաքվել էին և հմուտ գրիչներ, և՛ նկարիչներ ու վարդապետներ: Թաճելը իր վանքի, իր «հայրենի տան Թանատի» փորձված գրչին էր վստահում:

Ստեփանոս Օրբելյանը երկու անգամ հիշատակում է Թանատի վանքը երկու տարբեր ձևով. երբ այն վերցնում է հին ցանկերից, գրում է «Թանատէ»⁴⁰, իսկ երբ բնույթով նույնացնում է Մղուկի Թանահատին (որը նույնպես երկու անգամ է հիշատակում)⁴¹, գրում է «Թանահատ»⁴²: Սակայն հնագույն վկայաբանություններում, ձեռագրական հիշատակարանում և վանքի արձանագրություններում⁴³ միշտ գրվում է «Թանատի» ձևով: Այս հարցի առթիվ Ղ. Ալիշանը գրում է. «Այսպէս («Թանատէ» — Ա. Մ.) գրեն և՛ Յալամաուրը, Վարդան և Կիրակոս պատմիչը, և՛ հնագույն թովմա Արծրունի՝ Թանաղայ կամ Թանատի վանք... Իսկ Օրբելեան ի Պատմութեան անդ Թանահատի գրէ... որով առթէ շփոթս»⁴⁴:

Ուրեմն Թանահատի վանք է կոչվում Նղուկ գավառի (Սիսիանի շրջան) հնագույն վանքը, իսկ Վալոց ձոր գավառինը՝ Թանատի վանք, որի անվանը չի վերաբերում Օրբելյանի կողմից տրված նախորդի հետ նույնացնող բացատրությունը⁴⁵: Ղ. Ալիշանի կարծիքով «թերևս երկոցուն ևս տեղեացն՝ ի հեթանոսական դարս նուիրեալ Անահտի դիցուհու»⁴⁶:

36 Ս. Ս ա դ ու մ յ ա ն. Նորահայտ վիմագրեր խաղբակյան տոհմի մասին. ՀՍՍՀ ԳԱ «Լրաբեր հաս. գիտ.», 1977, № 9, էջ 92—93:

37 Ի. Ղ ա ռ ի բ յ ա ն. Գլաձոր. Երևան, 1953, էջ 112:

38 Ս. Տ ե բ - Ա վ Ե տ ի ս յ ա ն. Ցուցակ հայերէն ձեռագրաց նոո Զուղայի Ամենափրկիչ վանքի. Վիեննա, 1970, էջ 50:

39 ՄՄ, ձեռ. № 5135, ձեռագրի մասին տե՛ս աստ, էջ 24—25:

40 Ս տ ե փ ա ն ո ս Օ Ր Բ Ե լ յ ա ն. Պատմութիւն տունն Սիսական. Թիֆլիս, 1912, էջ 340:

41 նույն տեղում, էջ 160, 338:

42 նույն տեղում, էջ 143:

43 Դիվան հայ վիմագրության. պրակ III, էջ 76, 80, 82, 87:

44 Ղ. Ա լ ի շ ա ն. Սիսական, էջ 119:

45 Ս տ ե փ ա ն ո ս Օ Ր Բ Ե լ յ ա ն, էջ 338:

46 Վարդանի «Աշխարհագրութեան» ձեռագրերից մեկում Թանատի փոխարեն գրված է «Ի անհատի»: Արդյոք «Անահտի» անվան ճիշտ սրբագրությունն է, թե պատահականություն (ՄՄ, ձեռ. № 5148, էջ 228բ):

1273—1279 թթ. Պոռշյանի որդիները և մտերիմները Թանատեի մոտ թաղված Սյունեցու շիրիմի վրա կառուցում են եկեղեցի, «եւ եղին տապան սրբոյն ի հիմն նորա»:

Սյունեցու շիրիմը կամ նշխարները գտնվում են Թանատի վանքում. «Եշխարն Սիւնեաց տէր Ստեփանոսին եղեալ ի վանս Թանահատին», այսինքն Սյունյաց տեր Ստեփանոսի նշխարները զոքած են Թանահատի վանքում: Ուրեմն Մաթևոս գրիչը «շիրիմն Սիւնեցի» արտահայտության փոխարեն հանգիստ խղճով կառող էր գրել «ի վանքս Թանատէի», որովհետեւ նա այդ իրավունքն ուներ, Սյունեցու շիրիմը Թանատեի վանքում էր և Աղբերց վանքը գտնվում էր այդ վանքի մոտ: Սյունեցին Մաթևոս քահանային ծանոթ էր նաև Խորաշելի և Կիրակոսի Հայսմափութներից, որոնց մեջ «Հրոտից Ժէ և լուլիս Իֆ օրով տակ զոքած է. «Ի սոյն աւուր վկայութիւն որբոյն Ստեփանոսի Սիւնեաց եպիսկոպոսի»⁴⁷:

Վայոց ձորն էլ նրա համար Սյունեցու շիրիմն ամփոփող վայր էր, նա, ուրեմն, այդպես էլ գիտեր Կիլիկիայում: Իսկ այստեղ, երբ իր ուսումնալսյալը նրա մոտ էր, արձանագրում է այդ փաստը: Թանատեի այդ եկեղեցին Սյունեցու անունով կոչվում է Սուրբ Ստեփանոս կամ Սուրբ Հայրապետ: Այն կոչվում է նաև, ինչպես տեսանք, «շիրիմն Սիւնեցի», ապա՝ «Սուրբ Ստեփանոսի գերեզման», «լարկ սուրբ Ստեփանոսի», «մատուռ», «քաւարան»: Որմերի արձանագրություններում այն, իրեն կից Ս. Նշանի հետ միասին կոչվում է Թանատի վանքեր, և որովհետեւ երկուսն էլ Պոռշյանների կառուցին են՝ «հալրենի տանս մեր Թանատի վանաց, առաջի Վարագա սբ նշանիս եւ սուրբ Հայրապետիս»: Այսպիսով, Թանատի բաղնիքի եկեղեցին Պոռշյանների ջանքերով համալրվեց նոր եկեղեցիներով:

Կենսաբեր Ս. Նշան կամ Վարագա Ս. Նշան.— կառուցված է Թանատի Ս. Ստեփանոսին կից, հյուսիսային կողմում, վերջինիս հյուսիսային պատը ծառայում է Ս. Նշանին որպես հառափային պատ: Շինարարության թվականը հալտնի չէ, բայց Ս. Բարխուդարյանը գտնում է, որ Ս. Ստեփանոսին ժամանակակից է, կառուցված է հավանաբար 1290-ական թթ.: Առաջին անգամ հիշատակվում է Ս. Ստեփանոսի արևմտյան մուտքի կամարակող քարի վրա 1307 թ. գրված արձանագրության մեջ. «Թվին 202 (1307), կամաւն Աստուծոյ եւ Թաճերս, դուստր Ուքանա, ամուսին Հասանա ասպարապետին Հոռց, ուրդոյն Պոռշա ետու ընծա ի հալալ ընչիցն իմոց, հալրենի տանս մեր Թանատի վանաց՝ առաջի Վարագա սուրբ նշանիս և սուրբ Հարապետիս»⁴⁸: Իսկ ձեռագրերում հիշվում է 1318 թվականից:

Թաճերը «ամուսին Հասանա ասպարապետի Հոռց» իր արդար վաստակից նվեր է տալիս իրենց հայրենի տանը: Պոռշի որդի Հասան ասպարապետը մահացել է 1292 թ.: Արդյոք ամուսնու մահից հետո նրա հիշատակին կառուցված չէ՞ այդ վանքը, կոչված Ս. Նշան, որպես Հայրենիքի համար հաղթանակներ շնորհող զորավոր նշան, որպիսին գիտակցվում է Վարագա սուրբ նշանը՝ «ի պահպանութիւն և փոկութիւն աշխարհիս Հայոց»⁴⁹, որին այնպես ծառայել է Թաճերի ամուսին Ամիր Հասանը: Ամիր Հասանի մասին կարդում ենք. «Այն որ ի բազում պատերազմունս արիաբար հանդիսանալո և քաջապէս թրշնամիք խաչին Քրիստոսի (Սուրբ Նշան Վարագա—Ա. Մ.) դիաթաւալ գերկիր կործանէր, և քաջ անուն անծին և ազգին ժառանգէր, և պարգևս և պատիւս ի թագաւորացն ընդունէր... Եւ նա յառաջանալո աւերստաւրէ ի գործ քաջութեան և յամենայն պատերազմունս անուանի լեալ ի համադասան, մինչև լուր համ-

47 ՄՄ, ձեռ. № 6283, էջ 242ու 242ն. № 7433, էջ 102ա-ում (Կիրակոս) խորագիրն է. «Յայսմ աւուր վկայութիւն սրբոյն Ստեփանոսի Սիւնեաց եպիսկոպոսի»:

48 Ս. Բարխուդարյան. Դիվան, էջ 72:

49 «Այսմաւորք», Կ. Պոլիս, 1730, էջ 493:

բաւուն նորա տարածեցաւ ընդ աշխարհս բազումս, որ և եհաս մինչև յաշխարհն Հոռվմայեցոց և Յունաց»⁵⁰, — դրում է ժամանակակիցը:

Սուրբ Նշանը Ամիր-Հասանի մահից հետո (1292 թ.) կառուցված և Պոռ-յանների զինական փառքին նվիրված լինելու օգտին է խոստում սույն վանքի մուտքի կամարակալ քառի վրայի բարձրաքանդակը՝ սուլտանական հեծյալը շրջ-թափած առյուծներով:

Վալոց ձոր դավառի Աղբերց-Գլաձոր Ս. Ստեփանոս Նախավկայի վանքը, Թանատի վանքը, Խանասի Ս. Ստեփանոս Սյունեցու գերեզմանը և Վարագա Ս. Նշան վանքը առանձին-առանձին ներկայացրին, որպեսզի ընթերցողը տեսնի, որ նրանք առանձին միավորներ են, և խմբավորվում են երկու տեղ.

ա. Աղբերց-Գլաձորի Ս. Ստեփանոս Նախավկայի վանք:

բ. Թանատի վանք, Թանատի Ս. Ստեփանոսի գերեզման-վանք, Թանատի Ս. Նշան վանք:

Նկատենք, որ Աղբերց վանք-Գլաձորի հետ միշտ հիշվում է նույնի Նեցին, որպես բաբունապետ, նաև՝ ուխտի առաջնորդ, իսկ վանքը՝ «մենաստան», «գերահռչակ ուխտ», «երկրորդ Աթէնք», «մեծ դպրատուն», «մալր իմաստից», «մալրաքաղաք ամենայն իմաստից», «համալսարան», «աթոռ և վարժարան սուրբ վարդապետաց մերոց»: Իսկ Թանատի վանքերը՝ «սպասաւորք խոստացան», մեծ մասամբ՝ «միաբանքս սահմանեցին», նաև «վարդապետ և միաբանքս սահմանեցին» նվիրատուության դիմաց կատարվող պատարագի օրը: Ս. Ստեփանոսի վանքը կոչվում է «մատուռ», «յարկ սրբոյն Ստեփանոսի», «քաւարան», «գերեզման սուրբ Ստեփանոսի», իսկ Ս. Նշանի հետ միասին Պոռյանները ընծան տալիս են «Հալլենի տանս մեր Թանատի վանաց...»: Գլաձորի Ս. Ստեփանոս Նախավկայի հետ մեկական անգամ հիշում են Ս. Ներսես վարդապետի դամբարանը, Ս. Աստվածածնի և Ս. Գրիգորի վանքերը և երկու անգամ Վառագա Ս. Նշանը, որպես Գլաձորի մոտ գտնվող վանքեր:

Այս ցույց է տալիս, որ Աղբերց վանք-Գլաձորը գտնվել է Թանատի (Սյունեցու շիրիմ-Վարագա Ս. Նշան), Հերմոնի (Ս. Գրիգոր) և Բողորաբերդի կամ Պոռյաբերդի (Սպիտակավոր Ս. Աստվածածին) վանքերի մոտակայքում, որ «հուպ ի շիրիմն Սինեցի ի յԱղբերց վանս մենաստանի» նշանակում է ոչ թե «Սյունեցու շիրիմը Աղբերց վանքում է», այլ «Սյունեցու շիրիմին մոտ, Աղբերց վանք մենաստանում», ինչպես «ի քաղաքս Ղարս կոչեցեալ, հուպ ի Շիրակալս Անու»⁵¹, ոչ թե Ղարսը Անին է, այլ Ղարսը Շիրակի Անիի մոտ է, կամ «ի գիւղն... Օձուն, որ հուպ է առ քաղաքին լօռէ»⁵², ոչ թե Օձունը լոռի քաղաքն է, այլ Օձունը լոռի քաղաքի մոտ է:

Ահա մատենագրական, վիճակագրական այն նյութերը, որոնք նշում են Գլաձորի համալսարանի գտնվելու գավառը՝ Վալոց ձոր, վանքը՝ Աղբերց վանք և մոտավոր տեղը՝ Թանահատի Սպիտակավոր Ս. Աստվածածնի և Հերմոնի Ս. Գրիգոր վանքերի մոտակայքում:

Աղբերց-Գլաձոր վանքում թաղված են մեծ բաբունապետներ Ներսես Մշեցին և Նույնի Նեցին: Նրանց տապանագրերով դամբարաններն էլ Գլաձորի համալսարանի ստույգ տեղը ցույց կտան, որին հնարավոր է հասնել պեղումների միջոցով:

50 «Արարատ», Վաղարշապատ, 1876, էջ 411—412:

51 ՄՄ, ձեռ. N 7010, էջ 286ա:

52 Կ ի Ր ա կ ո ս Դ ա ն ձ ա կ ե ց ի. Պատմութիւն Հայոց. Երևան, 1961, էջ 70:

НОВЫЕ СВЕДЕНИЯ О ГЛАДЗОРСКОМ УНИВЕРСИТЕТЕ

(К 700-летию основания)

А. С. МАТЕВОСЯН

Резюме

Годом основания Гладзорского университета в армянской филологии считался 1280-й, что обосновывалось памятной записью одной рукописи, написанной для вардапета Нерсеса. Однако в этой памятной записи не указано место создания рукописи. В статье, на основании вновь выявленной памятной записи другой армянской рукописи, написанной для того же Нерсеса в 1281 г., а также других свидетельств, уточняется время основания Гладзорского университета. Весной 1282 г. вардапет Нерсес уже находился в Вайоц-Дзоре, в монастыре Ахперц, который в дальнейшем стал именоваться Гладзор.

Относительно местонахождения Гладзорского университета ценные данные имеются в свидетельствах его выпускников. Согласно этим свидетельствам, монастырь Ахперц находился близ могилы Степаноса Сюнеци, который был похоронен в монастыре Танат. Некоторые ученые пытаются отождествить Танат с монастырем Ахперц—с Гладзором, для чего нет никаких оснований. На материале кодикологических и эпиграфических данных в статье доказывается, что эти два монастыря существовали независимо друг от друга. А поскольку в письменных источниках новых данных пока не выявлено, место, где находился Гладзорский университет (монастырь Ахперц), можно определить лишь на основании новых археологических раскопок.